



**Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit isertitanut akileraarutip inatsisartut inatsisaata allanngortinneqarnissaanik, ingerlatsiviit tamakkiisumik ilaannakumilluunniit akileraarutai 20%-imik appartinneqassammata 1. januar 2023-imiit.**

(Inatsisartunut ilaasortaq Jens-Frederik Nielsen, Demokraatit).

## **Siullermeenera**

Siullermik Jens-Frederik Nielsen, Demokraatiniit siunnersuutaanut qujaffigerusupparput.

Taamatullu oqareerluta siunnersuut misissuataarnerani kalaallisuuani taasissutissaq ingerlatsiviit tamakkiisumik ilaannakumilluunniit akileraarutai 20 %-imik appartinneqassammata 1. januar 2023-imiit oqaaseq atorneqartoq qasseersiutaasoq appartinneqassammata 1. januar 2023-imiit paatsuunganarpoq, taamatullu oqaatsit akuerisaasut qiviaraanni uani siunnersuummi atorneqartut ingerlatsiviit paatsuunganartutut inissisimapput.

Qulequtaq taasissutissaq tamakiisoq:

Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit isertitanut akileraarutip inatsisartut inatsisaata allanngortinneqarnissaanik, ingerlatsiviit tamakkiisumik ilaannakumilluunniit akileraarutai 20%-imik appartinneqassammata 1. januar 2023-imiit.

Issuaaneq naavoq:

Inatsisartut allanneqarnera qiviaraanni mikisumik allaqavoq, Nuuk, Upernavik Ittoqqortoormiit imaluunniit Jens-Frederik mikisumik allanneqartanngillat taamatullu aamma Inatsisartut taaguut angisuumik allaqqasussaavoq.

Taamaammat uani taasissutissatut qulequtaliussa qiviaraanni paasiuminaatsippara sooq qulequtaq akueriinnavinneqarsimanersoq, siunnersuutimmi teknikitaatigut imarisaatigullu kukkuneqannginnissaat sivisoorujussuarmik suliarineqarlutik inatsisartunut tunniunnissaanut



akuerineqarnissaanut atortarparput. Uanili kukkorujussuortoqarsimasoq malunnarluinnarpoq. Naatsumik oqaatigalugu qallunaatoortaannaa suliap ingerlanerani aalaaviusimasoq maluginiagassaavoq kalaallisoortaa soorlulusooq qissiminneqarsimanngitsorluunniit, tamannalu Naleqqamiit uggoriinnarnagu akuerineqarsinnaanngitsutut isigaarput.

Uani ingerlatsiviup isertitaminik akileraarutaa pineqartoq pingaaruteqartorujussuummat Naleqqamiit uggorisorujussuarput kalaallisoortaa taama tukatsigimmat allaat allarluinnarmik isumaqalersimalluni inissisimaffiummat, naatsumik oqaatigalugu qallunaatut allassimassaq kukkusumik arlariinnik nutsernerlorujussuartaarlugu suliaasimammatt allaat qulequtaq taasissutaasussaq nalorninarsilluinnarsimalluni. Kalaallit oqaatsitta oqartarnitsituut pingaarnersaattut inissisimani aallaavigissagutsigu qulequtarlu atorneqartoq taasissutigalutigu taava ingerlatsiviit akileraarutaat 20 %-imik appartinneqassamata 1. januar 2023-imiit taasissutigissavarput, tassalu ingerlatsiviup akileraarutaa 5 %-iinnanngortussaalluni. Qallunaatuuanilu siunnersuut misissuataaraanni 20 %-imut appassasoq allaqqavoq aammalu siunnersuut atuqqittaarnerani taannaaniasikkaluarpoq siunnersuutaassumi.

Siunnersuut nutaajunggilaq taamatut ingerlatsiviup isertitaminik akileraarutaata appartinnissaanik maani inimi suliaqartarnitsinni, aammalu Naleqqamiit isumaqarput annittareernikuuarput ersarilluinnartumik appaallattaaginnarneq isumaqanngilluinnartoq, tamannalu sunniuteqarani pisuut pisuujunerulerneranik kinguneqaannartartoq, akerlianilli nalimmassaalluni nunatta iluani aningaasat agguarneqartarnerat eqqarsaatigalugu aqqiinissap saniatigut nunat nunarsuarmi niueqatigut unammillersinnaanngorlugit 15 %-imut apparnissaa suliaarsiaqartoq isumaqarfigigatsigu, tamannalu attallutigu.

15%-imut appaanissamut siunnersuutitta aningaasalersornissaanullu tunngasumik una siunnersuut sangutinneqarsinnaappat siunnersuutip ingerlaqqissinnaanissaanik amnavugut annikitsuarakkuutaarlugu appallattaarnagu nunatsinnut sineriamullu iluaqutaasumik iluarsaassamik aqqissuussisoqarsinnaappat nalimmassaaneq ilanngullugu Naleqqamiit siunnersuutigisariikkatituut oqaloqataanissamut siunnersuutitalu itisilernissaanut anngussuissalluta piareersimavugut.



Tamanna ammaffigineqarpat aningaasaqarnermut akileraartarnermullu ataatsimiititaliami suliarineqarnissaa isumaliuutissiisornissamilu allannguutissamik siunnersuuteqarluni aaqinneqarsinnaappat Naleqqamiit peqataakkuttoorsinnaavugut.

Taamatut oqaaseqaateqarluta appaallattaarnerit qimallugit nunatsinnut nunarsuatsinnut unammillersinnaasumik iluaqutaasumik aammallu nalimmassaaffiusumik nunatsinni peqataarusuttoqarusuppat siunnersuuterput malillugu 15 %-imut appaanissamut taava ataatsimiititaliami suliaakkiinissamut Naleqqamit piareersimavugut.

20 %-imut appaaginnarluni nalimmassaanani aaqiiniarneq eqqarsarluarnertut isiginatigu taamatut allannguutissamik kaammattuuteqarluta siunnersuut 20 %-imut appaaniarneq itigartilluinnarlugu Naleqqamiit oqaaseqaateqarpugut.